

Vorrede.

Præceptore, Herrn M. Hermanno Vvitekindo, in Latein beschriebenes/ vnd in Truck außgangenes Buch/ darinnen/ wie durch hülff der Rechenkunst/ vnd vermittels etlicher vberaus vieler in ein Tafel / welche er tabulam sinuum nennet/ gesetzten zahlen/ allerhand Sonvhrn zuverfertigen/ gelehret/ gezeyget: So hat jedoch solch Buch / welches ich wegen der gedachten Tafel nicht vnbillich ganz wunderbarlich vnd hoch/ aber/ wegen dessen/ daß nach laut desselbigen Buchs / keine abweichende oder gebogene Sonvhr ohne gemeldte Tafel / welche leichtlich einem von handen kommen oder verlohren werden kan/ niedrig geachtet/ mir zu meinem fürhaben / weil ich nemblich weder der Lateinischen Sprach / noch der Rechenkunst erfahre/ im geringste nicht erspriesslich sein können. Vnd als ich mich nun bedüncken laß/ daß die von mir in disem fall ergründte vnderschiedliche Fundamenten vnd art / allerhand Sonvhrn zuverfertigen/ mein eygen inuentum, auch niemals an dem Tag gewesen sey: So hab ich zuorderst gegewertiges erstes Fundament/ wie nemblich allein die wassergleichligende vnd bleyrecht auffstehende Vhrn (dañ die ein- vnd zurück gebogene/ beneben jetzo beschriebenen wassergleichligenden vnd bleyrecht auffstehenden/ etwan hiernächst / gleichwol noch auff eine viel andere / wunderbarlichere vnd lustigere art von mir beschrieben/ vn geliebt es Gott/ an dz licht sollē gebracht werden) zumachen/ dismaln/ dardurch nicht allein was ich bißhero in meiner Einsamkeit/ darüber / wor ich gewesen / fast meniglich sich verwundert / gethan vnd practiciret/ denselbigen zuverstehen/ sondern auch allen jungen Gesellen/ welche sonst heutiges tages gemeyniglich ihre jungen tagen vnd vbrige zeit in Eytelkeit zubringen / in diesen vnd dergleichen